


HISTOIRE

MERVEILLEUSE
DE L'ABSTINENCETRIENNALE D'UNE FILLE
de Confolens en Poictou.*En cette Histoire est aussi traité, Si l'homme peut
vivre plusieurs iours, mois, & années, sans
recevoir aucun aliment.*A quoy est adjoutée vne Apologie som-
maire pour feu Monsieur Ioubert
Medecin, page 29.*Le tout traduit en François du Latin de Monsieur
Citois Docteur Medecin de Poictiers.*

A PARIS,

Chez JEAN DE HEVQVEVILLE, Rue
S. Iacques, à la Paix.

1602.

Avec Privilege du Roy:



AV LECTEUR.



MY LECTEUR, ayant leu curieusement & avec beaucoup d'admiration l'histoire presente, i'ay derobé quelques heures à mes ordinaires occupations pour te la baillier en langage familier. En quoy i'espere que tu auras agreable, si nō mon exercice, au moins la bōne affection que i'ay apportée à te faire part d'une des plus rares merueilles qui se trouue par les histoires tant des vieus siecles, que des plus recens. Et afin de t'oter toute occasion de soupçon, outre ce que c'est chose toute notoire à Poictiers, & par tout le pais de Poictou; tu as icy d'abondant le tesmoignage de plusieurs gens dignes de foy qui ont veu la fille dont est question, au rapport desquels tu as dequoy t'arreter. A Dieu.



*Abstinentem hanc vidit anno superiore, alterum
iam annum sine alimento trahentem, D. N. Ra-
pinus vir non Irenarchico munere solum, sed
varia etiam eruditione illustris, ut testatur hoc
elegantissimum de ea carmen.*

*De puella duodecenni, que iam biennium
perstat sine cibo & potu vivere ad
Confluentem Vigenne, an.
sal. M. VI. C. I.*



*Vam varia exercent hominum miracu-
la mentes.*

*Quorum constitui non ratio vlla
potest!*

Ecce valens & adulta duos iam virgo per annos.

Vitam agitat, nullo freta vel vsa cibo.

Observata magistratu, & vicinia ab omni,

Qua fluit exiguo iuncta Vigena Goro.

Iam ieiuna famem tolerat sine fraude biennem,

Et iam praeclusis faucibus arcta gula est.

Mireris nullum suspensum à pectore ventrem;

Mireris nullas inde, vel inde vices.

Et nihil excernit, stricta ut nil excipit aluo,

Puraque ab utraque parte pudenda latent.

Illam tamen sentit, loquitur, videt, ambulat, audit:

Quod nos intentis vidimus ipsi oculis.

Sic magico fallax in corpore spiritus errat:

Sic pasta exili lampade flamma subest:

Sic docet ostento natura potentior, isto,

Maiorem humanis legibus esse Deum.

N. RAPINVS P.

RESP.

NEC nostra fallax in virgine spiritus errat,
 Carmine nec magico fascinat ille oculos.
 Nec, veluti intiderit nunc dignus vindice nodus,
 Quas posuit leges transilit ipse Deus.
 Sed quod versiculo tua, magne vir, annuit uno
 Musa; alita exili lampade flamma subest.

F. CITOIS. D. MED.

SI quando lenibus fama pinnulis vehens,
 Nullis puellam victitare ferculis,
 Sitis arida, atque tristis exortem famis
 Narravit, omnes commodum palleescere,
 Omenque laevum deprecari prodigi,
 Unus veniret confidenti pectore
 Hygiæ, inquit Pallas: Ille protinus
 Sibi optiones filias sumens Jovis,
 Gnavus remouit alta mundi moenia,
 Atque Naturæ penetravit loca,
 Hic vndererum semina, unde profluant
 Marisque fontes, fluminumque limpida,
 Animæque ventum præpetes, quibus modis
 Hyemesque, solstitiaque dispertat Deus:
 Qui causa frugum succulentis germinet
 Mandata glebis, quomodo sustentans cibo
 Inolescatur animal, siue sensibus cluit
 Auctum, negatis siue sensibus caret,
 Hic vidit quæquam quicquid est: Quod ut gravi
 Pavore mentis solueret, doctissimis
 Citoeus inquit explicare schediis,
 Quæ quisquis olim legerit, celestium
 Opera videri scripta confitebitur.

M. VIDARD Procurator Regius Pict.

D'Un miracle tu fais naistre un riche discours,
 Traictât, Si sans manger on tombe en atrophie,
 Si un corps par trois ans a peu viure sans vie,
 Puisque les alimens sont l'ame de nos iours.
 Jamais Phœbus ne vit rien semblable en son cours,
 N' Esculape son fils: car si c'est maladie,
 Le defaut d'alimens eut son ame ranie:
 Mais sans boire & manger celuy cy vit tousiours.
 Viure ainsi n'est ce pas un prodige bien rare?
 Ce viure dementant la Nature, & ses lois,
 Qui veulent qu'à momens nostre corps se repare.
 Mais un effect plus beau fait ton liure (Citoys)
 Repaissant nos esprits d'un si precieux viure,
 Qu'il fournit d'alimens, pour en mourant reuiure.

Pellegis hoc scriptum? suffundere lurco rubore,
 Ni subis infensi pallidus ora Dei:
 Ah tum te miserum iudex cum venerit ille;
 Viuere neglectis quum potes vsque cibis.

I. MOREAU Off.

LE MESME.

Rougi ventre glouton à l'abord de ce liure,
 Si tu ne veux pallir au iugement de Dieu:
 Que feras tu, chetif, en ce terrible lieu,
 Puis qu'on pent icy bas long temps viure sans viure?

LE MESME.

IE croyois en la foy d'un erreur populaire,
Que de ce corps mortel le foible bastiment,
Priué du fort soustien d'un solide aliment,
Caduc, en peu de temps viendroit à se deffaire.

Mais le nouueau labeur de tes doctes escrits,
Plein de bair animé d'une belle parole,
Qui preuue le contraire, & m'enuoye à l'escole,
Du choc de ses raisons estonna mes esprits.

Puis le naïf rapport d'une recente histoire,
Confit au doux nectar de ton mielleux discours,
Puissant de me nourrir, sans manger, plusieurs iours,
Renuersant ma creance, establit sa victoire.

*Hic liber humani dum tollit corporis escam,
Ingenuo dulcem quis neget esse cibum?*

PASCH. LE COQ M.D.

Foelix hoc pracone tua, virguncula, vita.
Jam non te siccus succus, ut ante, fouet:
Ipse sed aeternam vitam dat & accipit autor:
Incertum tu illi, an debeat ille tibi.

A. CITOYNS Frater
in Curia Patronus.

LE MESME.

VNE humeur dans ce corps estroictement enclose
Depuis un si long temps ceste fille entretient:
Vne meilleure vie en ce liure luy vient:
Car ce liure & la vie est vne mesme chose.



A MONSIEVR LESCARBOT
SVR LA TRADVCTION DE
cette histoire.

L'Authheur qui premier a enfanté cet-
te histoire
Sembloit auoir au peuple enuié ce bon-
heur
De cognoistre & sçauoir par son docte
labeur

Ce prodige nouueau d'immortelle memoire.


Toy, LESCARBOT, emeu non d'une vaine
gloire,

Mais d'une affection digne d'un noble cœur,
As supplé au defaut de ce premier authheur,
Rendant son noble escrit à tous François notoire.

Si le nom de CIT OIS merite estre immortel,
Pour auoir aus humains descouuert des merueilles,
Qui leur vont rauissant l'esprit & les oreilles,

Ton nom certainement merite d'estre tel,
Qui par ton beau discours fais que la mesme chose
Ore est commune à cens à qui elle estoit close.

I. DE LA ROQUE.





*HISTOIRE MER-
ueillieuse d'une fille de Poictou,
qui depuis trois ans vit sans
manger & sans boire.*



VRIPIDE desiroit ou
que, muets, nous es-
quissions en perpe-
tuel silence; ou que
les choses mesmes,
sans aucune ambigui-
té de paroles, parla-
sent avec nous.

Je desirerois quant à
moy, ou que nous fussions de ces peu-
ples Astomes desquels parle Pline, qui
virent sans bouche; ou que, contents co-
me eus du seul benefice de l'air, nous
peussions pour tousiours nous passer de
boire & de manger. Car par ce moyen il
aduendroit que nostre esprit (lequel ne
peut d'un œil ferme contempler les cau-
ses naturelles, non plus que la chouëtte
les rayons du soleil) estant deliuré de ces
brouillas & vapeurs epeesses causées par

Lib. 7. cap. 1.

2 *Hist. de l'abstinence triennale*

Herac.

l'usage des viandes, comprendroit d'un seul regard les idées & formes des choses nuëment & selõ qu'elles sont. Chrysippus n'auroit que faire de prẽdre avec tant de soin de l'ellebore pour se purger l'entendement, afin de voir plus subtilement la force de ses argumens. Nostre ame ne nous seroit point, contre son naturel, vn lourd fardeau : elle ne seruiroit point de sel à nostre corps pour le garder de pourrir : mais elle y seroit comme vn Phare, qui en nostre diuine nauigatiõ nous decouriroit le chemin pour paruenir de la terre au ciel. Mais pour autãt que nostre vie est entretenüe par la nourriture du corps, & que par vn mutuel secours toutes deux se conseruent ; tandis que nous-nous estudions à maintenir cette vie par le soin assiduel de luy fournir des viandes, il arriue que nous abaissions & fichons du tout en terre cette partie de l'esprit, qui autrement de soy ne demande qu'à s'elever aux choses hautes & celestes. Toutefois Platõ estime que l'homme est pourueu de beaucoup de replis & destours d'intestins, pour demonstrier que Dieu l'a creë vn animal plein de raison & de conseil, sans

*En son Tri-
mée.*

quoy, comme les plantes sont perpetuellement attachées à leurs racines, ainsi tousiours il auroit la viande à la bouche; ou, comme les bestes, il auroit perpetuellement sa pensée à la recherche de sa pasture. Voire mesme pendant que la viande passe par les destours du ventre, l'esprit naturel enuoye sa force vegetative & nutritive par le corps, & par ce melange entretient la vie & le mouuement du corps, si bien que cette plus sublime partie de la nature passeroit plus outre à monstrier des effects de sa force & vertu, si apres que la viande a sustenté le corps, cet esprit n'estoit appellé au desir de nouuelles viandes, & contraint de se rendre sujet à l'appetit du ventre. Car il n'y a riē (dit Plinē) qui donne plus de peine à l'homme que ce ventre, au contentement duquel la plus-part des hommes employent toute leur vie. Le vaisseau importun de ce corps est tousiours apres nous, comme vn creditur, & nous somme plusieurs fois le iour: mais il ne le faut ecouter toutes les fois qu'il se plaint, s'il a eu ce qui luy apartiēt; non plus que le mineur qui ne voudroit allouer à son tuteur la despense de sa

*Lib. 26.
c.8.*

*Tir. De
alim. pup.
præst. C.*

nourriture, comme s'il auoit vescu du vent, ayant neantmoins esté tousiours aupres de luy & nourry de sa bourse: car celuy qui feroit vne telle chose, l'Empereur l'a iugé non receuable, sinon qu'il prouuaist auoir eu sa nourriture d'ailleurs. Si est-ce toutefois que la necessité du ventre est tellemēt née avec nous, que les Stoiciens mesmes, lesquels excluent tous les sens de l'homme, sont contraincts de sentir le grondement d'iceluy; & mangent, mais afin d'euitér le manger: au rebours de certains pansars & goulus, qui boient & mangent seulement pour boire & manger, qui n'ont autre Dieu que le ventre, auquel on apparcille tout ce qui peut seruir à exciter la luxure, pour lequel on trauesse les mers, & va-on iusques au fleuve Phasis chercher dans ses entrailles le contentement d'un appetit insatiable. Et cette est la partie par laquelle nous approchons plus pres des bestes brutes, qui de leur propre nature sont portées au desir de ce que leur ventre demande: & avec lesquelles nous auons commune cette necessité de boire & de manger.

Car la nature a donné à tous animaux

vn instrument de viure, qui est la chaleur naturele, laquelle (ainsi que nostre bois dans le feu) a son siege en la triple substance de nostre corps, à sçauoir solide, humorale, & spiritueuse, laquelle s'ascesse elle va ruinant & consommant: si qu'en peu d'heure elle seroit du tout aneantie, s'elle n'estoit entretenue par vn nouveau rafraichissement de viandes & de breuuages: non plus ne moins que la flamme d'une lampe, laquelle s'esteint incontinent que l'huile est consommée, si on ne luy en verse de la nouuelle à propos pour la maintenir. Et pour ce le Prince des Medecins Hippocrate dit *Lib. 1. Aphor. 14.* que les corps des ieunes hommes ont besoin de plus d'alimens que les autres, pour ce qu'ils ont plus de chaleur: autrement (dit-il) leur corps se consume. Au cōtraire les corps des vieillars, pour ce qu'ils n'ont gueres de chaleur, il ne leur faut aussi gueres d'aliment. D'où nous pouuons tirer argument confirmatif de ce que là mesme nostre Hippocrate auoit dit, que les vieillars souffrent aisémēt le ieusne, apres eus ceus qui sont en la force de leur age, moins que ceus cy les adolescens, & moins que tous au-

tres les enfans, & ceus principalement qui sont plus gailliards & dispos à faire leurs fonctions. Car le peu de chaleur, la tenacité de l'humeur primitif, & la densité du corps empeche és vieillards que cette triple substance ne se deperit point: d'où vient qu'ils n'ont point si grande nécessité de viande: & le desir ou appétence d'icelle (il faut dire ainsi) qui est la faim, est en eus plus languide: comme au contraire és ieunes elle est d'autant plus ardente, que la chaleur naturele est plus abondante, l'humeur vitale plus fluxile, & la composition du corps plus grele, & moins entassée: lesquelles trois choses comme elles font consommer la viande prise, aussi quant & quant elles reparent le defaut qui y peut estre. Car comme ainsi soit que la substance de tout animal se dissoulde par les pores de la peau, en l'air qui l'environne (dit Galien) il faut de nécessité que les parties plus proches de la peau soiēt les premieres destituées d'aliment, & que de leur propre force & vertu elles attirent la nourriture des autres parties voisines, afin de reparer ce qui par faute de sustentation est deterioré: celles là, des veines; celles cy, du

foye, le foie, des intestins & ventricule (par les veines mesenteres) appelle ce qui luy est familier, & conuenable à sa nature: alors le ventricule se voiant vuidé, par vn naturel sentiment qu'il a de ce qui luy defaut, il est incité à appeter la viande, dont il puisse estre sustenté.

Mais sil se presente quelque corps où il y ait peu de chaleur & plus de l'humour radicale à laquelle donnent lieu les pores & respiracles de la peau, il ne s'y fait pas grande euacuation de cette triple substance, & consequemment n'y est point besoin de grand' nourriture: voire elle n'y est du tout necessaire (tesmoin nostre Galien) és endroits là où, outre ce que dessus, l'air qui nous enuironne est froid, & le corps pesant, engourdy, & sans mouuement, pource que les petits trouz & ouuertes de la peau sont bouchés, & d'iceus rien, ou peu de chose ne s'échappe. Ce qu'il donne à cognoistre par l'exemple des bestes sauages qui de tout l'hyuer ne delaissent point leurs cachots & cauernes, à raison dequoy il les appelle *φαινός & ζώα*, tels que sont les ours, loirs, serpens, lezars, & plusieurs autres, lesquels sur le printéps

*De vena
sect. aduer.
Eras.*

*Alleg. 2.
de vena
orig.*

8 *Hist. de l'abstinence triennale*

ayans relaché & ouuert (par la chaleur) les conduits du corps, quand ils cognoissent que la chaleur interieure se resoult, & commencent à auoir faim, ils sortent de leur propre mouuemēt hors de leurs prisons, &, conduits de la seule nature, cherchent de toutes parts la pasture qui leur est necessaire. D'où il collige que l'assiduel soufflement qui se fait par la respiration, cause ce defaut; & cetuy-cy l'appetit & desir de manger. Car la nature a donné cette propriété au vuide qu'il demande à estre rempli. Que si la cause cesse pour laquelle les corps auoient besoin d'aliment, il est du tout necessaire que la disette mesme, & son sentiment, qui est la faim, cesse quant & quant: & que pour cette raison les animaux qui sont és cachots de la terre, puissent viure sans l'vsage des viandes. Ainsi, par le rapport d'hommes notables & dignes de foy, il s'est trouué és lanternes, & boettes des vieus sepulchres, des lampes ardantes, que les inscriptions desdits sepulchres tesmoignent y auoir esté mises presque infinies années, auparauant qu'elles eussent esté trouuées: comme celle dōt parle Louis Viues descouuerte
 enuiron

*S. Aug. lib.
 21. de ciuit.
 cap. 6.*

environ l'an 1500. laquelle Hermolaus Barbarus dit auoir esté trouuée au terroir de Pauie, sans date de iour, ny de Consul, à la verité: mais qui neantmoins y auoit esté mise plus de huit cens ans auparauant, ainsi que par le discours de l'escriture le collige P. Appianus. Telles lampes donc sont entretenues vn si long temps avec peu d'entretien, pource que l'humeur qui y est se conserue fort, & bien peu s'en deperit, soit que ce soit de l'humide (que les Alchymistes appellent radical) de l'or (lequel seul entre tous les corps naturels on croit ne souffrir point diminution de sa substance) ou de quelque chose qui luy approche: ainsi que semble vouloir denoter l'eloge graué en vn vaisseau de terre, lequel Barbarus mentionné cy dessus, a mis par écrit en ces termes: *Platoni sacrum munus ne attingite fures, Ignotum est vobis hoc quod in orbe latet. Namque elementa graui clausit digesta labore Vase sub hoc modico maximus Olybius. Adsit fecundo custos sibi copia cornu, Ne pretium tanti depereat laticis.*

Et le suiuant, inscript en vn autre vais-

seau de terre enclos dans celui de dessus, porte ces mots:

ABITE. HINC. PESSUMI.
FVRES.

VOS. QUID. VOLTIS. CVM.
VOSTRIS. OCVLIS. EMIS.
SITIIS.

ABITE. HINC. VOSTRO.
CVM. MERCVRIO. PETASATO.
CADVCEATOQVE. MAXVMVS.
MAXVMVM. DONVM. PLVTONI HOC
SACRVM. FACIT.

Or en ce vaisseau de terre a esté depuis gardée cette lampe assise entre deux ampoules, l'une d'or, l'autre d'argent, pleines de cette liqueur trespure d'or, laquelle on croit auoir donné aliment à icelle lampe qui a demeuré ardante par tant de siècles. Le mesme Barbarus appelle cette liqueur eau celeste, ou plustost eau diuine des Alchymistes, laquelle il remarque auoir esté appelée par Democrit, & Mercure Trismegiste, tantost eau diuine, tantost breuuage Scythique, & tantost spirituel, c'est à dire, esprit tiré de la nature celeste, & cinquieme essence

des choses, dont est composé l'or potable, & cette pierre philosophale & fable, en la recherche duquel tant de gens en vain se sont consomez. A cette diuine liqueur d'or ie ne sçay si ie doy rapporter la merueille d'une lampe à lumiere perpetuelle, dont parle Cedrenus, laquelle du temps de l'Empereur Iustinian fut trouuée en la ville d'Edessa, avec vne image de nostre Seigneur Iesus Christ. Elle auoit esté enclose & cachée sur vne certaine porte incontinent apres la passion du Sauueur, & toutefois auoit demeuré là cinq cēs ans sans estre esteinte. Voire mesme ayant esté ietté de l'huile qui estoit en icelle dans le feu qui se trouua proche, il brula entierement toutes les troupes guerrieres de Chosroës Roy des Perses ennemy des Chrestiens. Quoy qu'il en soit, veu les raisons que dessus, ie ne trouue pas tant estrange qu'on pourroit faire l'exemple d'une chose rare & presque incroyable veüe en nos quartiers de Poictou: qui est l'abstinence d'une fille de Consolens (ou Conflans) laquelle depuis trois ans vit encore auourd'huy sans aucun aliment ny viande corporelle.

*En son ab-
bregé d'hi-
stoire.*

Cette fille est agée d'environ quatorze ans, & s'appelle IehanNE BALAN, son pere Iehan Balan, ferrurier; & sa mere Lauréce Chambelle: elle est pour son age de stature conuenable, de meurs vn peu rustique, natifve de la ville de Confolens sur la riuiera de Vienne és cōfins du Limosin & du Poictou, laquelle en l'onzieme an de son age estant saisie d'vne fièvre cōtinue le 16. de Feburier 1599. elle fut encore depuis assaillie de beaucoup d'autres accès de maladie, & sur tout d'vn vomissement continuel, par l'espace de vingt iours. La fièvre l'ayant aucunemēt laissée, elle deuint muette, & demeura vingt quatre iours sans rendre vne seule voix; au bout desquels reuenue à elle, & parlant comme deuant (quoy que ce fussent des paroles pleines de reuerie, & hors de bon sens) luy arriue vne torpeur & engourdissement de tous les sens & mouuemens corporels, au deffouz de la teste, de sorte que mesme l'œsophage (partie de l'estomach qui sert de conduit au boire & au manger pour passer au petit ventre) estant resoult, il perdit sa force attractiue, & n'a-on peu depuis ce temps là

persuader en aucune façon à cette fille de mâger, quoy qu'on l'ait allechée par des viâdes delicates, fruiçts, & douceurs propres à cet age. Toutefois le mouuement de ses membres luy reuint enuiron six mois apres, hors-mis à vne hanche, du costé de laquelle elle marche encore avec difficulté. Vne seule impuissance luy est restée, de ne pouuoir aualler aucune chose, mesmes elle abhorre du tout toute sorte de viande & de breuuage. Cependant (chose estrange) la partie inferieure du ventre peu à peu s'est tellement amaigrie & dessechée en elle, que depuis les costes d'en-bas iusques au nombril il ne luy est rien demeuré du ventre qu'elle auoit auparauant: il y a seulement en cette partie, c'est à dire au dessus du vêtre anciẽ, vn cartilage pointu pendant du thorax, ou sternum, en façon d'une seueronde qui iette loin de l'edifice les eaus qui decoulent du toict, d'où, & des pointes des costes batardes, la peau de dessus souffre vne grãde douleur & sentiment d'extension & diuulsion, ce qu'on recognoit par la plainte qu'en fait la fille mesme. De là vient que

tous les muscles, intestins, boyaus, & autres parties du ventre sont retirées & aneanties par faute de manger, si bien qu'on les iugeroit auoit esté arrachées: au moins n'y en reste-il que les lobes & filamens, car toute la substance charnelle qui remplit ces parties là, est deperie. Quant aus autres parties du corps il s'en faut beaucoup qu'il y paroisse vne telle diminution. Car elle a la poitrine large & les mammelles rondelettes, les bras & cuisses charnus, la face aussi rondelette, mais brune, les levres vn peu rouges; la langue (de verité) vn peu retirée, mais la parole prompte; la teste couuerte de cheueus bien longs: car les cheueus & les ongles luy croissent, voire mesme tout le corps. Il n'y procede aucun excrement d'elle: du ventre ne sort aucune ordure, la vescie ne rend point d'urine, & la matrice n'est point incommodée des fleurs menstruales. La teste n'est point chargée de crasse, & se monstre fort entiere & saine tant en l'exterieure partie de la peau, qu'es organes interieurs des sens: car le nez, & les oreilles ne rendent aucuns excremens: seulement de la bouche elle crache vn petit,

& desyeus procede quelquefois vn peu de larmes. Quant au corps, il n'en issit aucune sueur: ains presque toute la peau se trouue froide & sèche à ceus qui la touchent, & ne s'eschauffe par aucun mouuement (fors les ailes & les parties voisines du cœur) encores qu'elle traueille au menage, qu'elle aille querir la viande au marché, qu'elle balaye la maison, qu'elle file à la quenouille, tourne le fuseau, & fadonne, comme vne autre, à tout ce qui est du seruice d'une famille; & qu'elle ne soit defectueuse en aucune partie de ses sens, ou du mouuement.

De toutes lesquelles choses l'on peut colliger la rareté & merueilleuse nouveauté de cet exemple. Car l'accident est arriué en vn age auquel le corps prend accroissement. Or les choses qui croissent ont besoin de beaucoup de nourriture & mesmemēt es corps de telle disposition que cetuy cy, grele & froid, où les parties internes ont accoutumé d'estre plus chaudes. De là vient que nostre Ancien a dit, qu'en hyuer les ventres

*Lib. 1.**Aph. 15.*

ment quand elle est prouoquée par les exercices: à quoy ne s'espargne cette fille, quant à ceus qui sont conuenables à son age: & d'abondant en vn air & terroir qui rend le peuple affamé. Toutes lesquelles occasions de faim & appetit luy ont esté otées par la suruenue de cette fièvre continue, & en fin toutes les fonctions naturelles saisies & assopies par l'accident de la paraly sie.

Et pour commencer par la premiere & principale: le petit ventre (qui autrement est le receptacle de la viande, & l'officine de la premiere concoction) lâché par l'ordure des humeurs crues, s'est tellement alangui, qu'il n'a peu ny retenir les viandes qu'il auoit, ny en recevoir d'autres. Ainsi en Hippocrate, Hermocrates saisi d'une fièvre fort ardente rejettoit tousiours les viandes; pource que cette faculté auoit perdu sa force, & s'estoit en luy esteinte (dit Galien en ce lieu là) de qui la fonction estoit de sentir la disette en santé, & desirer ce qui luy est familier. Plusieurs veulent reietter la cause de ce symptome à la force malefique d'une pome: qu'une vieille auoit baillé à cette ieune

fille

filles deus ou trois mois auparavant, parce que l'ayant mangée elle eut des degoustemens de viandes, & quelque alteration d'esprit. Mais attendu qu'outre cela il ne luy est rien arriué qui ait ouvertement empeché sa santé, ny les fonctions naturelles, iusques à ce qu'elle fut surprise de la fièvre cy dessus mentionnée, ie ne voy point qu'il y ait sujet de croire que cette force malefique ait peu demeurer si long temps couuerte sans aucun effect. Le vomissement cessé, elle devint muette, à cause de la resolution des nerfs qu'on appelle recurrens (ce qui luy arriua par apres en tout le corps) la pituite froide & crue estant liquefiée par la chaleur de la fièvre, qui par ce moyen luy causoit vne debilité de cerveau, cause qu'elle n'estoit pas bien saine d'esprit. De là, il a fallu par necessité qu'elle ait perdu le sens du goust & du succe, voire mesme l'usage d'aualler la viande, & la boisson: ce qui seul a causé l'abolition de l'appetit animal, laquelle a esté quant & quant suiuite d'une priuation totale de cet appetit naturel qu'Hippocrate remarque par ces mots *ἡνέκα δὲ ἐκ τῆς νόσου αὐτοῦ*, si nous ajoutons

foye à son tresgraue interprete Galien, lequel reiette la cause de ce symptome sur le vice du foye, lequel estant le commencement de l'ame vegetante & naturele, si tost qu'il est blessé, il est force que ses facultés auxiliaires (sçauoir l'attractrice, la retentric, l'assimilatrice, & l'expultrice, esquelles git toute la force de la nourriture) succombent, & consequemment l'appetit, lequel n'est parfait ne accompli que par l'attraction. Le mesme autheur collige la maladie du foye en Hermocrates en ce que le sixieme iour de sa maladie on l'auoit veu iau-
ne : & toutefois en tout le cours de sa maladie, qui fut de 27. iours, cette iaunisse ne le quitta point (comme elle auoit fait Heraclides, auquel vn mesme symptome estoit arriué le mesme iour) ny par sueur, ny par crachement de la bile, ny par le conduit du ventre, ny par l'vrine, ny par le vomissement : & partant il estoit aisé à voir que la faculté naturele, dont le foye est la fontaine, estoit abbatue d'une estrange maniere. Ce qu'estât, toute la force de l'appetit se debilita tellement, dit Galien, que les malades desirerent plustot mourir, que de receuoir

*1. Epid.
sect. 3.*

*5. Deloc.
aff. c. 1.*

aucune chose par la bouche, ny mesme toucher du bout des levres.

En la fille de laquelle nous parlons maintenant (qu'il n'a esté pensée par aucun artifice, ny aidée de la nature) le foye a esté tellement assiegé du faix des humeurs vitieuses, que sa chaleur naturelle estant rompue & n'ayant plus de force, il s'est peu à peu desséché avec toutes les parties basses du ventre: si bien qu'il n'y a de quoy s'emerveillier si on voit les fonctions de l'œconomie naturelle abolies. C'est donc l'une des causes de ce degoust de viandes, & de l'abstinence qui s'en est ensuiuie, que ce desséchement du foye & de toutes les parties servant à la nourriture: d'où l'attraction otée, il s'en est ensuiuy une priuation du sucement, qui est le commencement de la faim. De cette opinion j'ay Galien pour

*r. D loc.
affect. cap. 1*

quelle aussi la qualité de la chaleur fiévreuse, altérée, auoit consommée, apres en auoir chassé la chaleur naturelle. Mais cette fille a esté conseruée, parce que la chaleur fiévreuse esteinte, la naturelle qui y est restée, estant imbecille, a esté retenue dans vn corps resserré, couuert d'une peau ridée, froide, & seche. De ceste chaleur ne se faisant que bien peu de dechet, elle n'a point aussi besoin de beaucoup d'entretienement: & seruira cecy pour la troisieme cause de ce defect d'appetit.

Car tout ce qu'elle exhale par le moyen de la respiration, comme l'haleine & la chaleur naturelle; cela est réparé & entretenu premierement de l'air tiré tant par l'inspiration, & receu au cœur par les tuias du poulmon, que par cette insensible transpiration (laquelle, selon que ie puis iuger par sa disposition, est presque totalement aneantie en elle) receuë en tout le corps par les arteres. En apres, cette nature lache & peu vigoureuse, se delecte à cette humeur crüe & pituiteuse, laquelle ne peut qu'en ce ieune corps elle ne soit abondamment accreue selon la qualité du sexe & de

l'age : & mesme encore aujourdhui on recognoit qu'il s'en fait peu de dechet, par la paralyfie, qui n'est pas encore parfaitemēt guarie. Or cette humeur avec le temps se cuit, & se tourne en aliment propre pour la nourriture du corps. Et n'y a pas faute de beaucoup d'autres choses qui ont leur entretenement en nostre corps, desquelles la nature se pourra seruir, quand, pressée de faim, elle voudra en vser pour aliment, comme la gresse, la moelle, le flegme: toutes lesquelles choses les parties du corps desnüees, attirēt de leurs assiettes naturelles, comme d'une despense bien fournie, & les reçoient comme vne rousée eparsee par toute leur substance. Ainsi dit-on que les limaçons de l'air ayās soif 33. & qu'aucune rousée ne leur tombe du ciel, ilz viuent de leur propre suc. Et de là vient que Plaute a dict.

Quasi, cum caletur, cochleæ in occulto latent, Sui sibi succo viuunt, ros si non cadit. Captiu.

Ainsi les limaçons terrestres, se voulans defendre cōtre l'apreté du froid de l'hyuer, façonnent au deuant de leur ecaille vn certain couuercle blanc, dur comme Arist. li.
an. lib. 8.
13.
Plin. li.
na. cap. 3.

tiers sous terre pres les racines des herbes, sustentez seulement de l'humeur interne qui redonde en eus : Ce que font aussi beaucoup d'autres especes d'animaus, lesquels ont accoutumé de decliner la rigueur de l'hyuer par la retraite des cachots, comme les serpens, grenouilles, mouches, chenilles, loirs, rats de montagnes, tourterelles, hirondelles, &c.

Car pour le regard des serpens, presque tous, fuyans le froid, demeurent l'hyuer cachez dans la terre, comme dit Aristote : duquel bien que Pline ait emprunté ce qu'il dit des serpens, il a neantmoins, sans raison pris l'entente d'Aristote à contre-sens, là où il a dit que de tous les serpens la seule vipere cherche les lieux sous-terrains : & les autres les creuz des arbres, ou des rocs. Car, tout au contraire, Aristote a escrit veritablement, que la vipere est presque seule, qui durant l'hyuer se retire sous les pierres, & les autres sous la terre, lors que le sommeil leur sert de viande. Voire, qui plus est les viperes souffrēt la faim vn an, sans compter le temps du froid de l'hyuer, ce dit Pline : ce que nous sçauons

Hist. an. lib.
2. c. 15.
Plin. hist.
nat. lib. 8.
2. 32.

par experience oculaire , nous qui en auons icy en abondâce, lesquelles nous gardons vn an, & plus, encloses dans des boëtes de verre, sans aucune viande.

Les grenouilles, que Pline pense, apres vne vie de six mois, se résoudre en bourbe, & renaistre à la venuë des eaus printanieres: elles sont bien trancies de froid, mais non pas reduites à neant, comme Pline estime. Or elles demeurent cachées és cauernes des riuages, non seulement s'abstenantes de toute nourriture, mais encores demy-mortes: & se voient en cet estat és palus maritimes qui ne sont sujets à se glacer, en toutes les saisons de l'année. Voire mesmes és fosses esquelles elles se retirent, non seulement on voit leurs petits grenouillons, mais aussi les grenouilles de l'autre année.

Les mouches engourdies par le froid de l'hyuer, demeurent cachées és fentes des planchers & pieces de bois, & n'en sortent que par feu artificiel, ou par la chaleur renaissante du printemps ou de l'esté. Durant cet engourdissement elles vivent, non tant à raison de la petitesse de leurs corps (comme dispute Aristote)

24 *Hist. de l'abstinence triennale*

que par la froideur qui est en iceus. Car ce qui est chaud appete la viande, & la digere bien tot: au contraire, ce qui est froid s'en peut passer fort facilement.

Arist. lib. 8.

cap. 14.

Entre les mouches, celles qui font le miel cessent de sortir en ce mesme tēps, & demeurent cachées en leurs petites ruches, sans manger: dequoy l'on peut tirer preuue en ce que si on leur met de la viande au deuant, elles ne la toucheront point: & s'il arriue que quelqu'une sorte, on la verra avec vn corps transparent, comme vuide de toute nourriture. Depuis le cueur d'hyuer iusques au renouueau, elles viuent de dormir, sans

Lib. II. c. 16. aucune viande, ce dit Pline.

Sur toutes sortes d'animaus les cigales ieunent fort longuement. Car

Arist. lib. 4.

c. 5. de part.

an.

l'humeur qui est surabondant en leurs corps, leur fournit assez de nourriture.

Arist. hist.

lib. 5. c. 12.

Les chenilles venants à vieillir, leur peau s'endurcit par dehors. Et pour ce que cette peau est de couleur comme iaune, ou dorée, les Grecs les ont appelées *Chrysalides*, & les Latins *Aurelia*. Depuis qu'elles ont vne fois pris cette forme, elles ne reçoient plus rien dans leurs corps, & n'en iettent aussi rien dehors.

Entre

Entre icelles le Ver-à-soye infigne miracle de la nature, sur le milieu de l'esté enfermé dans son ecorce de soye, vit tout au moins quarante iours non seulement sans manger, mais encoré employe beaucoup de sa substance à faire sa soye: & sortant de son ecaille deuient papillon, sans que cette liberté le face chercher aucune nourriture.

Le loir demeure caché tout l'hyuer en perpetuel sommeil; & durant ce tēps n'a autre nourriture que le dormir. *Arist. lib. 8. c. 17. Plin. lib. 8. c. 57.*

Les rats de montagnes, comme les loirs, dorment cachez tout l'hyuer; & six mois durant sont occupez d'un si profond sommeil, que tirez de terre en fossoyant, ils ne se reveillent point, iusques à ce que mis au soleil, ou exposés au feu ils commencent à sentir la chaleur. Ils portent du foin, de la paille, & autres choses semblables en leurs cauernes, pour se garantir du froid: mais cela ne les empeche de dormir profondement. *Arist. lib. 8. c. 17.*

La tortuë terrestre tout l'hyuer git dans la terre, & y passe la saison tout de mesme. Et tesmoigne Rondelet que nō seulement en hyuer mais en tout temps

26 *Hist. de l'abstinence triennale.*

elle peut viure longuement sans aucune viade : voire mesme encore qu'elle eust la teste coupée; & ce par par la force du suc froidureus qui est en elle.

Arist. l. 9. c. Le loriot (espee d'oiseau) tout l'hiver est caché; & ne se montre qu'environ le solstice d'esté.

29.

Plin. l. 10. c.

24.

Ar. l. 8. c. 16. Les hirondeles, tant domestiques que sauages, pour euitier l'apreté de l'hiver qui s'approche, se retirent és lieux secrets des montagnes voisines, où on les trouue nuës & säs plumes: & se peuvent encore voir presque en tel estat sur le printemps. Et celles qu'on appelle hirondeles de riuage, elles se retirent és bords des riuieres, des lacs, des marais, & de la mer, où les rochers leur seruent de retraites. Là on les voit en multitude, comme nouées ensemble pour s'entréchauffer. De sorte que (dit Agricola) les pescheurs quelquefois les retirent des eaus si bië jointes & liées, que nos nouueaus philosophes cessent d'or'enauët de leur forger des nouuelles colonies en Afrique & autres lieux outremer.

Ar. l. 8. c. 16.

hist.

Les tourterelles commencent à se cacher lors qu'elles sont grasses. Et iaçoit qu'elles laissent leurs plumes däs leurs ca-

chots, elles gardent neantmoins leur gresse.

Quelqu'un paradventure plus diligent rechercheur des choses naturelles, descouurira d'autres oiseaus en bon nombre que l'on croit estrangers, pour ce qu'en hyuer ils demeurent caches, & neantmoins sont de nostre terroir, comme milans, ramiers, merles, estourneaux, hïpes, channe-souris, vautours, chouettes, hibous, & autres, qui sont soustenus & entretenus de la gresse qu'ils ont au dedans, cessant cependant le cours & office du ventre. Car Galien tient que quand la faim n'est point contentee, la gresse, la moelle, & la pituite donnent nourriture à la chaleur naturelle. D'où l'on peut releuer vn doubte qui pourroit naistre de ce qu'Hippocrate a escrit & maintient que l'homme à peine peut viure outre le septieme iour sans manger, lequel encore qu'ils outrepassent, ils meurent neantmoins peu apres. Car bien qu'il soit vray, & que ce qu'il disoit manifeste en nostre fille de Confolans, que l'intestin ne receuant point de viande, il se resserre tellement durant ce temps, qu'il ne peut par apres

Gal. 4. de
usu part.
& Com. 2.
de rat. vict.
acut.

Hip lib. de
carn.

28. *Hist. de l'abstinence triennale*

en admettre aucune : toutefois il n'est pas du tout force que de cette restrictiō de boyaus il s'ensuiue vne mort si prompte. Car on dit mesmes que les Scythes, si pour quelque occasiō suruenâte il faut endurer la faim, ils se serrent le ventre avec des bandes larges, afin que la faim ne les presse point si tost quand ils auront laissé peu ou point d'espace au cōduit du ventre. Et dauantage cette fille de Spir qui fut en grād bruit d'auoir esté trois ans sans manger : apres que l'humour surabondant fut consommé, elle retourna (à ce qu'en disent ceus qui en ont escrit) comme d'un bannissement, à ses premiers droicts & vsage de manger : commençant, comme il est vraisemblable, par des potages & choses liquides : si ce qu'en ont dit les auteurs est veritable ; ou plustost si la mere de la fille n'a point imposé à ces bonnes gēs là, comme le bruit en court : & y a occasion de ramener la chose en doute, par leur propre escrit, auquel on remarque qu'elle se mouchoit fort, que les oreilles ne manquoient point d'ordures, & qu'elle versoit abondance de larmes par les yeus : ce qui monstre que

ses forces defailliantes ont esté souuent remises par quelque viande, quoy que non solide, d'où ces excréments, par vne secreete force de nature, ont esté enuoyés en leurs organes. *A*

ET ne faict rien contre cecy le paradoxe que Ioubert a mis au secōd lieu de sa premiere decade, où entre les notables exemples d'vne longue abstinence, il met comme pour hypothese, & expose l'histoire de cette fille de Spir. Car outre vn grand nōbre d'autres observations de mesme qualite qu'il met en auāt, & qui ont esté approuuées par l'adūcen de plusieurs graues autheurs, nous en auons de notables confirmées tant par l'experience des vieus siecles que des nouueaus. Platon rapporte en sa Republique qu'vn certain Herus Pamphilus demeura dis iours entiers entre les corps morts de ceus qui auoiēt esté tués à la bataille, & que deus iours apres qu'on l'eut oté delà, comme on le vouloit mettre sur le bucher, pour estre brulé, il se trouua viſ. Quant à Pline il ne tient point qu'à faute de manger l'homme soit contraint de ceder à la mort au septiesme iour. *Diogenes Laer-*

Li. ii. c. 54.

Lib. 7. c. 18.

tius recite par le tesmoignage de Dicearchus, que ce grand maistre d'abstinence Pythagoras demeura quarante iours tout entiers sans boire : par la doctrine duquel aussi Apollonius Tyaneus apprit par vne loque accoutumance, à souffrir la faim de plusieurs iours. Pline assure que la soif se peut surmonter par obstination : & que le cheualier Romain Iulius Viator ayant eu ordonnance des Medecins en ses ieunes ans de ne point boire d'eau, à cause d'une indisposition qui tendoit à hydropisie, il tourna l'accoutumance en nature, de sorte qu'en sa vieillesse il se passa de boire. De fresche memoire toute la France à veu le mesme avec grand etonnement en la personne du Sieur Marquis de Pisani, qui a esté vn personnage de tel merite, que le Roy mesme s'en est serui heureusement en affaires de grande importance. Il y a plusieurs liures d'instructions deuotes, qui racontent merueilles des frequentes & volontaires abstinences de P. Alcantara moine Espagnol, & icelles de huit iours & plus par chascue mois. Mais par dessus toutes les autres il y a vne histoire fort cele-

bre d'une certaine Catherine native
du terroir de Colherberg, laquelle on
arecogneu auoir vescu septans entiers
sans boire, ny mager chose quelcō que.
Elle fut soigneusement gardée par Hen-
ry Smetius maintenāt Professeur à Heil-
deberg, & Iehan Iac. Theod. Medecins
le 24. Nouembre 1584, par le comman-
dement de Iehan Casimir Comte Pa-
latin : & depuis, à ce mesme effect luy
furent baillées quatre matrones, pour
estre tousiours à ses cotez tant de nuit
que de iour, lesquelles avec les Medec-
ins susdicts ont recogneu cette longue
abstinence estre veritable. Trois ans a-
pres cette histoire fut traduite en Fran-
çois, & imprimée à Fräcfort chez Iehan
VVeichel l'an 1587. Avec vn aduertisse-
ment au bout, que la fille viuoit enco-
res en cette maniere, sans boire, mager,
dormir, ny rendre aucuns excremens.
Au surplus Ioubert en cette que-
stion est fondé en raisons si pregnātes &
nécessaires, que ie ne pense point qu'au-
cun en doibue faire doubte à l'aduenir.
Neantmoins estant apres à traiter ce su-
jet, il est arriué qu'estāt chés vn libraire,
& passant la venüe par dessus ses liures, il

sest présenté tout à l'entrée vn petit li-
 uret portant en son front vn tel tiltre,
Eieri non posse ut quis sine cibo & potu plures
dies & annos transigat. A l'heure mesme
 ie prins ce liure, lequel (pour estre de la
 main de I. Haruet docte Medecin, de
 mesme cōditiō que nous) ie leu fort au-
 dement d'vn bout à autre: & estant arri-
 ué au lieu où il arguē de negligence les
 auteurs de tant d'exemples notables,
 lesquels il dit auoir peu estre deceuz
 souz la croyance inueterée de ce ieusne
 extraordinaire: i'ay estimé qu'il falloit
 lui satisfaire en cet endroit, & lui en pas-
 ser promesse au nom de nostre Confo-
 lentine, encores que durāt tant de mois
 & d'années ie ne me fois point arreté à
 considerer tous ses mouuemens: neant-
 moins si est-il vray-semblable ce qui se
 se dit en tous lieux d'elle, sur le ieusne
 triennal dont est icy question: & ja n'e
 estimeront autre chose ceus quil'ōt veu
 nue comme nous auons fait, si elle n'est
 changée depuis la derniere fois que ie
 l'ay veuë, qui fut au mois de Iuliet der-
 nier, 1601, car on dit que maintenant el-
 le est vn peu plus charnuë, sans toutefois
 qu'elle ayt pris aucune viade, qu'on ait

reconnoistre. Ioint que cette verité doit estre assés receüe d'un chacun, par le fidele rapport de tant de gens de qualité & d'honneur qui l'ont gardée en leurs maisons parmi leurs femmes & filles, l'un par trois, l'autre par quatre semaines, & plus. Si quelqu'un ayme mieux y aller voir, ie le veus bien, & la fille mesme n'y contredira pas. A la mienne volonté que Ioubert eust eu le contentement de voir un accident si estrange: Car si avec tant de pertinentes raisons il eust encor eu l'experience oculaire, il n'auroit par aventure point maintenant Harué pour aduersaire: lequel estant en cette humeur de combattre contre les sens & la raison, il ne sera peut estre point beaucoup difficile de soustenir les demonstrations de Ioubert: car elles sont appuyées sur des principes bien asseurés, & tirées des oracles mesmes du grand Dictateur de nature.

Aristote nous enseigne que toutes sortes d'animaus ont en eus vne certaine chaleur naturele, qui est conjointe avec l'ame d'un lien si estroit, que l'une ne peut estre sans l'autre: que les animaux, tant qu'ils vivent, ont de la chaleur; mais

*Lib. de vita
& mor &
resp.*

la mort suruenant, ils sont incontinent froids. Et en vn autre endroit: Il y a, dit-il, en la semence de tous animaux, la chose qui cause la fecundité, qui est ce que nous appellons chaleur. Et plus outre: En la terre & es caux s'engendrent des animaux & des plantes, pour ce qu'en terre il y a de l'humeur, & en l'humeur de l'esprit: & en ce grád Tout la chaleur animale, afin que toutes choses soient aucunement pleines d'ame. Ainsi il tient que toutes choses se font par la chaleur, & que toutes fonctions se paracheuent par icelle. Galien en est de mesme opinion, & dit que la chaleur est ou la substance des facultés, ou au moins le premier & plus necessaire instrument d'icelles. Il ne faut donc point que Haruet trouue estrange que Ioubert ait dit apres Aristote, que la vie depend de la seule chaleur. Car comme ainsi soit que la vie n'est autre chose qu'une demeure & attente de l'ame avec le chaud, selon le mesme Aristote, nous ne pouuons en cette obscurité des choses, trouuer plus assure indice de la vie presente, que par ses fonctions, de toutes lesquelles la chaleur, comme l'instrument premier

*Li. 2. de gen.
an. c. 3.*

*Lib. 3. de
gen. an. c. 11.*

*Lib. 2. ad
Glauc. lib.
4. de us
par.*

Li. de resp.

& sans moyen, est l'auteur & la cause mouuante & effectrice. Et n'a Ioubert mal à propos defini la vie par la chaleur, apres qu'Aristote a designé la mort par l'extinction d'icelle chaleur; se fondant Ioubert sur l'axiome, que des deus cōtraires les consequences sont cōtraires.

Carmesmes Galien (qui estime la mort *1. de san. tu.* arriuer, lors que la chaleur debilitée & rompuë par la frequente action, se lache; & que la temperie des qualitez elementaires qui sont en nous, estant dereglee, elle vient à estre reduite souz la tyrannie d'un seul) donne raisiblement à entendre que le cours de la vie se retient aussi long temps que la chaleur naturelle sera abondamment esparse par dessus l'humide radical, & que les qualitez elementaires auront vne bonne sympathie entre elles en leurs harmonie & bõ accord, que nous appellons temperie. Et ne falloit pourtant definir la vie par ces deus causes, c'est à sçauoir la chaleur & la temperie, d'autant qu'il faut toujours prendre la definition par la cause plus proche. Or la chaleur est le plus proche instrument de l'ame: la temperie celui de la chaleur naturelle, qui la

dispose & accommode à diuerses actiōs. Donc cette definition causale est fort bien prise de la premiere & principale cause de la vie, que nous auons apportée cy dessus par l'autorité d'Aristote.

Toutefois Haruet y va d'une autre façon, lequel definit la vie de l'homme, Vne actiō de l'ame raisonnable produite au corps humain. Mais cette definition n'est point assez subtile. Car premierement la vie n'est point vne actiō de l'ame; autrement ce seroit l'ame qui viuroit, & non le corps: mais la vie est vne demeure (comme a esté dit) ou vne vnion de l'ame avec le corps (ainsi que traicte Aristote en vn autre lieu) de laquelle puis apres procede l'action. A cecy j'ajoute que les actions de la vie estant, entendre, sentir, se mouuoir, estre nourry; si la vie est vne action, ce sera vne action de l'action: ce qui est absurde. Ou bien si la vie est vne action de l'ame raisonnable, entant qu'elle est raisonnable, les parties corporeles serōt poussées à faire leurs operations (comme prendre la viande pour sa nourriture, engendrer son semblable) par la seule raison & l'intellect, & non par aucun

sens naturel. Mais paradventure que Haruet ayât tiré sa definition d'ailieurs, a leu que la vie est vn acte de l'ame raisonnable, lequel mot d'acte il a tourné Action. Or l'acte est ce que les Grecs appellent *εντελέχεια*, qui est vne perfection, energie, & force mouuante de soy-mesme, beaucoup differente de ce qu'ilz appellent *εργον*. Et ainsi on pourroit bien à propos definir la vie, Vn acte de l'ame au corps, c'est à dire, vne force & vertu de l'ame par l'vniõ d'icelle avec le corps. D'où il est aisé à entendre, que prenant la vie generalement, il la faut plustot rapporter à la chaleur naturele, cõme à l'organe de l'ame, qu'à la raisõ: en sorte toutefois que cette chaleur demeure tousiours vnie avec l'humide radical, lequel iacoit que de iour en iour il soit consommé par la chaleur, toutefois la nature prouide en subroge toujours du nouveau qu'elle emprunte des alimens que nous receuons, au lieu de celui qui s'est perdu, comme a esté dit cy deuant. Mais Haruet pense que ces alimens seruent encore à vn autre vusage, qui est, dit-il, pour restaurer & fortifier les esprits: ce que Ioubert a omis:

comme si souz ce nom d'humide radical nous comprenions seulement l'humide en soy, & non aussi les esprits. Et qui est-ce qui nie que les esprits ne soiēt restaurez & fortifiez par le boire & le manger? Il y a, à la verité, beaucoup de choses icy cousues & ramassées inutilement & peu à propos. Et d'abondant ce qu'il propose contre Hippocrate en l'Aphorisme 14. du 1. liure, est du tout paradoxique, A sçauoir que celuy à qui la chaleur est plus languissante a besoin de plus d'aliment: ce qu'il prouue par l'exemple de l'homme quadragenaire, lequel (dit-il) prent plus de viâde qu'aucun enfant de deus ou trois iours, auquel toutefois il y a dauantage de cette chaleur, selon Hippocrate mesme. Voila, à mon iugement, vn argument bien foible, si on rapporte icy tout ce qu'il y faut, & si on oppose les organes des deus les vns aux autres. Car afin que souz ce mot d'Enfant on ne couure aucune cauillation, i'appelle enfans tous ceus qui sont au dessous de 14. ans, en la mesme façon que les Grecs entendent ce mot *παιδια*. Ceus cy, ie dy qu'à proportion de leur petit ventre ils prennēt

plus de viande que les hommes d'age viril & parfait, tant à cause de la force de cette faculté qui cuit la viande (d'où procèdent vne prompte depeche d'icelle) que pour les frequens exercices, durant lesquels beaucoup de leur substance se coule par les pores de la peau : afin que ie me taise de deus necessités alleguées par Hippocrate, qu'ont les enfans de manger, à sçauoir pour nourrir, & pour donner croissence au corps. Or la force de la faculté qui cuit la viande en nostre estomach depend bien de la temperie, mais c'est quand elle est poussée & excitée par la chaleur naturelle; laquelle jaçoit qu'apres qu'une viande est digerée, elle n'introduise point d'elle mesme vne autre nourriture, comme dit Haruet: toutefois pour ce que cette premiere estant digerée par la chaleur, il naist incessamment vn sentiment de penurie & faute d'aliment à la bouche du ventricule, que nous appellons la faim, à cette cause Ioubert rapporte à la chaleur, comme à l'agent principal; la quantité des viandes que l'on prend par apres, laquelle est réglée à l'appetit de la faim. *Cō. 2. Aph.*
La facilité de supporter la faim (dit Ga- 13.

lien) se recognoit quand quelcun n'appete point, & néantmoins n'en ressent aucun dommage. Ce qu'apporte icy Haruet, que ceus qui se releuent de maladie, appetent bien, & toutefois on ne leur donne point de la viande au desir de leur appetit; mais que lors qu'on aduise de restaurer les forces il faut aussi auoir egard à l'infirmité de la chaleur naturele, laquelle il ne faut point accabler, mais entretenir: cela se fait pour ce que la temperie n'estant encore du tout bien remise, & les facultés natureles se ressentans encore de la maladie, les organes ne peuvent cuire les viandes prises en trop grande quantité. Or Ioubert en sa demonstration entend parler des sains, nō des malades, ou de ceus qui sōt neutres. Et partant il cōclud que les vieillars n'ōt besoin de gueres de viādes pource qu'ils n'appetent gueres, veu principalement qu'ils ont le corps froid: ce que n'accorde point Haruet, lequel dit que toute l'action des corps mixtes viēt de la qualité qui gaigne le dessus en l'assemblage des elemens. Or est-il qu'au corps viuāt la chaleur domine sur les autres qualités de laquelle chaleur toute action a son princi-

principe, & nō du froid. l'admetts volō-
tiers la proposition avec Aristote, quant
aus choses mixtes inanimées, & lesquel-
les recognoissent les simples formes des
elements pour leurs principes. Mais es
corps animés, qui ont vne forme plus
noble, en laquelle sont contenues ces
autres plus ignobles, ainsi que le trian-
gle dans le quadrangle, ce n'est pas cho-
se si aisée. Car ils recognoissent pour prin-
cipe de leurs fonctions cette nature pro-
prement appellée; l'ame, dy-ie, c'est à sça-
voir la vertu mouuante du corps natu-
rel, organic, viuāt par puissance. Et quāt
à ce que Haruet pose en l'assumption
de son argument, qu'au corps viuant la
chaleur surmonte les autres qualités ele-
mentaires, ie n'aduouē point cela, sinon
qu'il le vueille entēdre de cette chaleur,
qui diffuse par le corps, gouuerne & mo-
dere l'economie d'iceluy : laquelle tant
qu'elle est en estre, maintient la vie; mais
venant à s'esteindre, la mort necessaire-
ment s'ensuit: & laquelle surmonte & af-
sujetit à soy non seulement le froid, hu-
mide, & sec elemētaire, mais aussi la cha-
leur mesme elementaire, estant quāt à
elle vrayement celeste. Car s'il veut en-

tendre cette chaleur predominante de la chaleur elementaire, comme il s'en suit de son syllogisme; ie luy mettray au deuant la salemandre, laquelle en sa mixtion est composée d'un temperament si froid, que de son toucher elle esteint le feu non plus ne moins que la glace. Elle vit toutefois, nō point de la chaleur mixte ou elementaire, laquelle estant debile, ne peut surmonter la force du froid: il faut donc que ce soit de cette chaleur celeste, laquelle entretient aussi la vie es serpens, lesquels chacun sçait estre d'un temperament froid. Ce donc qui a esté dit que le froid es vieillars les fait haïr l'abondance des viandes, il faut que Hār-uet l'entende en telle sorte que le froid n'a aucune domination sur le corps humain, voire mesme qu'actuellement il n'y en a point: mais que le froid d'Hippocrate, est ce que Galien & tous les Medecins, par comparaison, appellent chaleur lente: & que partant leur imbecille & petite chaleur a besoin d'un peu d'aide, tout ainsi que la petite flamme d'une lampe est entretenue en y versant de l'huile peu à peu, mais facilement esteinte en la suffoquant par vne surabondante effusion.

Com. 1.
Aph. 14.

Iusques icy nous auõs parlé de la chaleur naturele & primitiue agissante: en quoy nous auons soustenu pour Iou- bert que selon l'abondance ou tenuité d'icelle les corps ont besoin de beaucoup ou de peu d'alimēt. Traitons maintenant de la primitiue humeur patiente, & de sa nature, & comme elle est suiette à cette chaleur.

Auec le consentement de tous les Medecins nous auons constitué la chaleur premiere la cause essentielle de nostre vie, & auons dit qu'elle ne peut produire aucun effect de ses fonctions, sans vn aliment propre, qui est l'humeur radical & primitif abondamment amassé avec sa chaleur en la semence & sang menstrual principes de nostre generation; mais qui par la fuite des ans se diminue grandement & se ruine à nostre dommage par le perpetuel embrasemēt de sa chaleur: pour le retardement dequoy, comme nous renouuelons assiduelement l'huile dans la lampe ardante, ainsi nous donnons la pasture à cette chaleur: pasture, dy-ie, qui sert pour restaurer cette humidité, & la deliurer d'un si grand embrasement. Que si dans le

*In lib. 5.
Aph. 39.*

corps il y a quelque humeur surabondante, que les parties ne puissent point dissiper (Galiē appelle cela *ὑπερβολὴ τροφῆς* & l'eschole, excrement vtile) comme ce qui reste (dit-il) dans les petites places creuses des os & commel'humidité ecumeuse au poulmon, l'humeur glueus és iointures, la semence és testicules & tuyau par où elle se iette, la saluie en la langue, le lait és mammelles: cela tient lieu d'aliment, & sert de fomentation & attisement à la chaleur naturele, comme escrit fort amplement Ioubert en son Paradoxe, & nous-mesmes l'auons monstré cy dessus. Parquoy tant qu'il y reste de cet humeur au corps, il n'a point besoin de boire ny de mager: & neantmoins il est cependant nourry, & vit: Ce que Haruet nie d'une mesme opiniatrete, & reiette toutes les raisons de cette demonstration. Pour nostre regard, sans nous amuser à eplucher par le menu son escrit, où luy-mesme se fait & feint des obiections, auxquelles il respond, cōme pourroit aussi faire, yn nouuel apprenti de Medecine; nous rembarerons les raisons qui semblēt auoir plus d'apparence, quoy que nous ne puissiōs

supporter vn erreur tant petit soit il.

Au commencement de cette proposition il impose à Ioubert, lequel auoit *Pag. 47.* escrit, que non seulement le peu de chaleur aidait à rendre l'abstinence plus aisée, mais aussi à ce que l'humeur superflue, & qui tient lieu de la chaleur naturelle, fust plus abondante. Ce que Haruet a interpreté en son sens, comme si Ioubert auoit dit que le seul peu de chaleur non seulement aide à rendre l'abstinence plus aisée, mais aussi à ce que l'humeur superflue, & qui tient lieu de la chaleur naturelle, fust plus abondante. De là il tire la proposition suiuiante : Que le peu de chaleur cause l'abondance de l'humeur superflue; contre laquelle proposition il salambique l'esprit & se tourmente comme felle estoit de Ioubert. Voye le lecteur si y a propos ny apparence. Or fait-il grand cas, & pense entreprendre *Pag. 52.* vn acte digne d'un Hercule, de demonstrier que l'excrement quelquefois tient lieu d'aliment, & que la nature s'en sert en mesme usage, & qu'il peut reparer ce qui s'est deperi par la force de la chaleur. De verité les excremens ne tombent pas tous sous mesme consideration. Car il y

en a qui sont contre nature, & du tout inutiles, & qui n'ont aucune ressemblance avec nous, & pour ce ne peuvent iamais se tourner en nostre vsage pour estre incorporez avec nous. Les Grecs les appellent d'un propre mot *Ανώμαλα*, comme la fiente, l'urine, la sueur, &c. Il y en a d'autres selon nature, qui sont utiles à quelque partie du corps; & sont excréments non à l'égard de tout le corps, mais d'une partie d'iceluy tant seulement: Ainsi le chyl, apres que le ventricule est saoul, est enuoyé aus intestins, comme un excrement & charge inutile. Attiré par le foye, luy qui estoit excrement du ventricule est fait aliment du foye. Là, tandis que du chyl se fait le sang, la ratelle & la vescie de la bile attirent l'une & l'autre bile (qui sont les excréments du foye) comme leur aliment familier; & en ayant pris leur portion conuenable, ils enuoyent le reste comme excrement qui ne peut plus seruir ny donner contentement à aucune partie. La ratelle enuoye ce qu'elle a de superflu par un petit vaisseau au fond du ventricule, & quelquefois par les hemorrhoides, & de là aus intestins; La vescie de la bile ou fiel, par

le paroncholidocum au duodenum, & autres parties. Par laquelle demonstra-^{2. Defac.} tion Galien induisoit que toutes les deus^{nat.} parties du sang (à sçauoir la grossiere & terrestre, que la ratelle attire; & la plus subtile attirée par la vescie du fiel, qui ayant passé par l'examen de la chaleur, se conuertit en cholere) estoient selon nature, & luy seruoient en quelque vsage, d'autant que leurs propres vaisseaus leur estoient ordonnez pour y estre receus. Mais quant aus diuerses especes de bile, & à toutes sortes de serosités, pour ce que c'estoient choses inutiles, & hors la nature, il ne leur auoit esté assigné aucun vaisseati. A la seule pituite la nature auoit manqué de donner vn receptacle particulier, attendu qu'elle est ytile, mais l'auoit logée dans les veines avec le sang, pour y estre cuite, & rendue capable de nourrir le corps. Haruet obiecte que cet te pituite ou phlegme ne tient point de l'excrement, mais est naturele & elementaire, assauoir vne quatrieme humeur du sang. Je responds que par la conseruance des autres humeurs qui sont de la nature des excremens, il apparroit clairement, que le lieu de Galien se doit entē-

dre de la pituite excrementele. Car il cõpare ainsi tous ces excremens: Comme, dit-il, entre les diuerses especes de bile l'vne est vtile & naturel es animaux, l'autre inutile & hors la nature: ainsi en la pituite, ce qui est dous, est salutaire & naturel en l'animal viuant; ce qui est aigre & salé, est outre nature. D'auantage, comme ainsi soit qu'en toute coction il y ait quelque excrement separé de l'aliment; qui fera l'excrement de la pituite alimentaire: comme, le suc melancholic a son excrement, le bilieus a aussi le sien: lequel n'est point celuy qui loge en l'estomach & es intestins: Car il n'est point encore paruenue iusques au foye, qui est l'officine de cette coction. En somme la pituite n'est point tenue pour auoir aucun particulier instrument, d'autant que si quelquefois par faute de manger, il y doit auoir faute de sang, icelle se tournant du costé du sang, elle seruira d'aliment aux parties. Or la pituite naturelle nourrit & entretient perpetuellement, non par puissance & faute de viure seulement, mais actuellement, les parties froides & humides. Elle est donc vn excrement, mais vtile: laquelle Galien au

lieu

lieu sus allegué, dit que demeurant au corps elle peut estre alterée: & le mesme sur le premier des Prognostiques, ne va point au contraire, où il l'appelle, non point comme icy, aliment demy-cuit; mais excrement de l'aliment demy-cuit, duquel les corps estans remplis, ils peuvent (ce dit Hippocrate) non seulement se passer de manger vne fois le iour, mais aussi supporter plus facilement vne faim extraordinaire. Haruët obiecte deus choses: La premiere: En l'hydropisie nommée Anasarca (que les Latins appellēt *intercus*) toutes les parties du corps sont enflées de pituite, & toutefois il faut baillier aus patients à toute heure de la viande; à quoy si l'on manque, ils semblent estre à toute heure prests à mourir. *Responſe*: que toute pituite n'est point propre à nourrir le corps, mais seulement celle qui est douce. Or celle de l'hydropisie est salée, à cause dequoy elle empuantit les parties qu'elle touche: & Galien l'appelle liuide, ou meurtrie; laquelle, pourcé qu'elle est melangée de quelques autres humeurs, non seulement change sa vraye & naturelle couleur (cōme dit Galien, au mesme lieu) mais aussi

2. De ac.
diat.

Pag. 54.

6. *Aph.* la temperie : de sorte que dans Hippo-
 14. *U* crate & Galien elle est plus souuent de-
 sect. 2. signée par le mot d'eau , que de phle-
Aph. gme , ou pituite. A l'occasion dequoy
 482. *coac.* Serenus l'appelle *Aquosus languor* : &
 lib. 20 d. Horace, *Aquosus albo corpore languor*. Cet-
 pag. 66. te solution satisfait aussi à l'objection
 qu'il fait par apres des excremēs des ma-
 lades , lesquels (dit-il) s'ils ont force de
 nourrir durant la maladie , pourquoy ,
 iceus consommez, la maladie ne cesse-el-
 le? Et si la maladie cesse , pourquoy tou-
 tes les parties du corps sont elles ainsi ab-
 batues? Mais, bon homme, ces excremēs
 sont du tout cōtre nature, & ne deman-
 de le corps autre chose que d'en estre
 deliuré , comme Galien dit de l'humour
 fereus. Cecy est plus fort qu'il dit vn peu
 auparavant, que Ioubert ne conclud pas
 bien , disant , que si le ventricule rempli
 d'humour pituiteus , n'appete point ; de
 mesme toutes les parties du corps en
 estant remplies, n'appeteront point. Car
 cet appetit du vētricule duquel il est icy
 question , est vn appetit animal , lequel
 n'estant point es autres parties , cette pi-
 tuite ne peut point se communiquer à
 elles en la mesme sorte. Je responds qu'il

2. *De nat.*
fac.

y a deus sortes d'appetit au ventricule, l'animal, & le naturel. L'appetit animal est vne certaine molestie & douleur du ventricule procedant du succer, ou de la compression de l'aliment, par laquelle irrité, il appète la viande: & l'appetit naturel, est vne force née en toutes les parties du corps, laquelle appète tousiours ce qui luy defaut & luy est cōuenable. Celuy-là est appaisé par la vapeur de la viande prise, & par tant soit peu de substance: celuy cy par la seule application de viandes. L'appetit animal est particulier au seul ventricule: le naturel est commun tant au ventricule qu'à toutes les autres parties, par lesquelles porté à l'orifice superieur d'iceluy ventricule, il excite l'appetit animal, qui nous sert d'eguillon à prendre les viandes. Tandis donc que l'humeur cruë & phlegmatique demeure au ventricule, & que là par la force naturelle d'iceluy elle est cuite & mise en estat, les tuniques, qui font le corps du ventricule, en prennent leur portion competente, & le meilleur, qu'elles tournēt à leur profit. Ainsi l'appetit naturel estant contenté, l'appetit animal n'irapoint se plaindre

à l'entrée du ventricule. Si tout le corps est plein d'une mesme humeur, toutes les parties auxquelles est commun cet appetit, & commune la force de cette emotion, s'en accommoderont & entireront ce qui leur sera diuisable.

Ce sont icy les argumens desquels le docteur Ioubert auoit fortifié son opinion: argumens, qui, à mon iugement, iusques à l'heure presente n'ont eu aucun qui les ait sceu valablement debattre: auxquels estoient adjoûtez plusieurs exemples & des plantes & des animaux, qui non seulement se conseruoient plusieurs iours, mais aussi plusieurs années sans aucune nourriture de dehors: comme, entre les plantes, l'oignon, l'ail, les grains, soit blé froment, segle, orge, auoine, mil, & autres: entre les animaux, les serpens, lezars, loirs, ours, crocodiles, chameleons: desquels exemples Haruet s'efforce d'eneruer l'autorité par opposition de la dissemblance & grande disproportion qu'il y a entre la vie des bestes brutes, & encore plus des plantes, avec celle de l'homme, d'autant que celle cy rapporte son principe à l'ame raisonnable, celle là à l'ame irraisonnable: &

dauantage, que la chaleur (instrument d'icelles) est beaucoup plus noble en l'homme, qu'en l'animal irraisonnable & en l'animal irraisonnable, qu'en la plante. A quoy ie respōs que la similitude de ces exemples conuient fort bien en cette espece de vie de laquelle nous traitons, en ce lieu, qui est la faculté de nourrir & alimenter le cors, laquelle est egalemēt tant es animaux qu'es plantes (dit Aristote) En outre, qu'ils conuiennent en l'espece de la cause, c'est à sçauoir l'humeur cruë & phlegmatique, dont ces corps là sont aussi bien remplis que ceus des hommes. Mais qui pourra (dit Haruēt) supporter yne si grande abondance de phlegme au diaphragme sans yne palpitation de cœur, mal d'estomach, & douleurs de colique, & des reins: qui la pourra retenir en la teste sans apoplexie? Ie respōs que cette humeur abondante en crudelité se cuit en ces corps là, & ne se corromp point. Parquoy estāt selon nature, elle ne peut creer des accidens & maladies contre nature. Il obiectera que la seule abōdance de phlegme cause l'apoplexie. Mais ie dy que c'est vn excrement propre du cerueau, lequel

2. De gen.
cap. 5.

pag. 78.

n'a coutume de s'aller loger aus ventricules d'iceluy, si n'est poussé par l'esprit ou la vapeur. Il dira qu'en ces natures les esprits sont plus languides & n'ont assez de force pour faire vne impetuosité si grāde. A cela ie reorque, que combien qu'autrement l'exercice du corps soit salutaire (dit Galien) toutefois si vous voulés exercer vn hōme plein de phlegme, ou de l'une & l'autre bile, ou mēme plein de sang, vous luy avancerez par tel exercice ou l'epilepsie, ou l'apoplexie. Quant à ce qu'il dit que nostre vie est différente de celle des plantes & des brutes: & que son principe, qui est nostre ame, est beaucoup plus noble que les autres; qui est ce qui le nie? mēmes qu'Aristote a creu que seule elle est diuine, & se vient de dehors loger en nostre corps? Mais pourautant qu'il enclot en son obiection l'ame vegetatiue des plantes & la sensitiue des bestes, il faut qu'il sache que nostre corps a vne ame vegetatiue, & se nourrit comme vne plante, sent comme la beste brute, & a le discours de la raison duquel il vse comme hōme. Voire mēme au commencement (dit le mēme Aristote) il

Com. 3.
aph. 20.

1520 G. 2

1520 G. 2

vit cōme les plantes, & a seulemēt alors l'ame vegetatiue : puis avec le temps, la sensitiue: en fin viēt l'intellectuele & raisonnable, qui apporte avec soy toutes perfections. Car il n'est point tout à la fois & animal & homme, ny animal & cheual (quoy que cette raison ne seroit pas bien-seante en la bouche d'un Philosophe Chrestien) car il seroit premierement porée, ou laitue : puis chien, ou cheual, ou chose semblable : finalement seroit Cesar ou Caton. Mais Haruet continue encore, & prouue par Hippocrate *De prise a med.* que les anciens n'eussent point cherché vne propre maniere de viure à l'homme, si vn mesme boire & manger eust esté suffisant pour la nourriture des hommes & des bestes. Toutefois il a omis ce qu'Hippocrate ajoute qu'au premier age les hommes ont vsé d'une mesme viande que les autres animaux, lors que l'inuentio de semer & planter leur estāt encor incogneüe, ils mangeoient des fruits que la nature produisoit de son bon gré, sans aucune culture : combien que toutefois le toutpuissant Createur de l'homme ait voulu dès le commencement qu'il vecust non seulement des

fruits de la terre, mais aussi qu'il vſast des animaux irraisonnables pour sa nourriture. Qu'a donc voulu dire Hippocrate? C'est que les anciens ont voulu pouruoir à l'infirmité de nostre chaleur naturelle, laquelle ne pouuant quelquefois digerer les viandes qui ont beaucoup de crudité, elle est mieus sustentée & entretenue par celles qui sont préparées & corrigées par artifice: quoy faisant, la santé humaine est moins sujette au peril: autrement l'homme prendra sans danger (ſil s'y accoutume) de la ciguë, comme l'estourneau: & de l'ellebore, comme les cailles: ainsi que Mithridates vſoit de poisons, pour n'estre point empoisonné, & s'y accoutuma de telle façon, que ce luy estoit comme viande naturelle: De meſme, vne vieille d'Athenes

3. De simpl. fac. celebrée par Galien, vſoit de ciguë familièrement: cōme Thraſias faiſoit de l'ellebore, au rapport de Theophraste. Vne

Lib. 9. hist. plant. c. 18. Arist. de reg. prim. fille enuoyée par le Roy des Indes à Alexandre, mangea long temps du napolus deuant tout le monde, ſans estre endommagée. Mais ſans tout cela, la terre nostre bonne mere ne nous produit-elle point de ſon ſein beaucoup d'autres choses

choses necessaires à la vie ? Certes si fait : & en l'estat qu'elle nous reçoit lors que nous arriuons en l'hostel de ce monde, au mesme elle nous entretient & soutient, se monstrant tousiours benigne, douce, indulgente, & preste à faire tout ce qui peut seruir à nostre vsage : laquelle estant cultiuée, combien produit-elle d'alimens diuers propres à nostre nourriture ? combien en fournit-elle sans culture ? quelles odeurs ? quelles faueurs ? quels sucz ? quelles couleurs ? Et cependant nous voulõs encor exercer nostre cruauté sur les brutes : nous voulõs tenir en prison les animaux à qui la nature a donné le ciel pour palais ! Que ne sommes nous plus curieux de faire des banquets en simplicité, & sans boucherie, à la façon de Pythagore, plustot que de guerroyer en l'air, euentrer les mers & riuieres, & rauager la terre ? Les anciens raportent que cet age que nous appelons doré, a esté heurus en ce qu'il n'a point souillé sa bouche du sang des animaux. Le philosophe Apollonius Tyanus interrogé par l'Empereur Domitiâ pourquoy il ne gardoit point la cõmune façon de viure, qui cõsistoit en l'vsage

*Ouid. l.
Met.*

de la chair, mais ne mangeoit que des racines & fruits fortis de la terre? Il respondit, que tout ce que la terre nous produit est sain & salubre: & qu'il ne falloit point aller querir des oiseaus au terroir du fleuve Phasis, ny des francolins en Ionie à ceus à qui est plus agreable (cōme au rustic d'Horace) l'oliue cueillie aus grasses branches des arbres, ou l'ozeille aymepré, ou la mauve salubre au corps appesanti. Haruet poursuit à refuter les exemples allegués, disant que ce sont fables ce qu'on dit des serpens, loirs, &c. Car quāt aux serpens, qui tout l'hyuer demeurēt cachés, ils se nourrissēt de terre: les ours & loirs font prouision de viandes en autonne, desquelles ilz viuent comme la formy: le chameleon se repaist de mouches: le crocodile ne peut viure long temps hors de l'eau, selon Aristote.

*Pa. 67. 68.
69.*

*s. de gener.
anim.*

Que le serpent se nourrisse de la terre seule, la raison du mesme Philosophe y repugne, laquelle veut qu'un corps mixte ne puisse estre nourri d'un seul & simple element: à quoy aussi est conforme l'euenemēt des choses. Car nous auons souuent remarqué que comme entre les poissons le grand mange le pe-

tit : le mesme se pratique entre les viperes, aspics, crapaus, & autres. Or que les serpens puissent viure fort long-téps sans viande, Aristote le demonstre par l'experience de ceus que les Apothicaires nourrissent, desquels nous auons parlé ci dessus. Quant à ce qui est dit au serpent, en Genese chap. 3. Tu mangeras la terre tous les iours de ta vie : cela ne touche point nos serps terrestres, mais l'ancien ennemi du genre humain, de qui les esclaves mangeront la terre, c'est à dire, ne ressentiront rien que les choses de la terre ; comme exposent les Theologiens.

*Aist. l'ant.
lib. 8. c. 4.*

*D. August. in
Genes.
8. hist. c.*

Aristote escrit que les loirs, en hyuer ne sont pas seulement cachez és antres de la terre, mais aussi és creuz des arbres, & que durant ce temps ils s'engressent de dormir. Haruet pense qu'ilz mangent les prouisions qu'ils y ont cachées, & se traueille contre Aristote, disant que le sommeil euacue le corps lors que le ventricule est vuide à cause de la chaleur qui consomme tousiours l'humide. Mais voicy l'Aphorisme d'Hippocrate qui est contre lui : Ceus (dit Hippoc.) qui de nuit sont alterés,

*Lib. 5.
aph. 27.*

il leur est bon de dormir lors qu'ilz ont bien soif. Car le sommeil sur toute chose humecte le corps avec beaucoup de plaisir : nō point le corps du tout vuide & sec, mais celui qui est remply de viande, ou de suc cru : la faculté naturele, cependant, s'occupant de tout son pou- uoir à la concoction de la viande, & des humeurs crues. Qui doutera donc qu'un paresseux animal & plein de cru- ditē ne s'engraisse par le sommeil ? Pline dit qu'il est meilleur faire la concoction en dormant, pour la corpulence, c'est à dire, pour l'engraissement du corps, que pour la force d'icelui. Et Martial voulāt reveiller les estudians qui dorment la grasse matinée (comme on dit) il leur adresse ces deus vers :

Dormitis nimium, glires, vitulique marini,

Nid mirum si vos crassa Minerva premit.

On voit plusieurs animaux qui au printemps sortis de leurs cachots sont plus gras que les autres, à cause du bō temps qu'ilz se sont donnés : & Galien dit que les femmes sont plus grasses que les hōmes, par ce qu'elles sont plus froides, & plus sedentaires en la maison.

Aristote prouue par deus raisons que

*Lib. 11. c.
pen.*

2. de temp.

3. hist.

ani. c. 17.

les ours ne mangent rien durant leur retraite hyuernale : l'une par ce qu'ils ne sortent point : l'autre pour ce qu'ils semblent auoir le ventre restrecy, & les intestins vuides. Haruet debat la premiere, pour ce (dit-il) qu'ils ont de quoi viure. Mais à vn si grand animal, combien (ie vous prie) faudroit-il de charretées de pommes tous les iours & tous les mois ? La seconde raison, Aristote la prouue par l'experience oculaire. Car on dit que leurs intestins par faute de manger se resserrent tellement, que presque ilz se touchent. Et pource qu'ad ilz commençant à sortir, ils prennent vne certaine herbe qui s'appelle Aron, pour lacher leurs intestins. Les sept premiers iours qu'ilz sont cachez dans leurs tanieres, ils sont tellement aggravez de sommeil, que quoy qu'on frappe dessus eux ilz ne se reveillent point, ainsi que disent Plin & Olaüs. Lors (dit cetui-cy) ilz s'engraissent merueilleusement par ce pesant sommeil & principalement par le succement du pied droit : ce qu'il faut entendre en telle sorte, qu'apres auoir passé quatorze iours à dormir, ils se leuent sur leurs fesses, &

Lib. 8. hist.

nat. c. 36.

lib. 18. hist.

Septentr.

viuent en sucçant les pieds de deuant, iusques à ce que le prin-temps venu ilz sortent dehors. Pour le regard des mâles ilz sont fort gras, mais non les femelles, pource qu'en ce temps elles nourrissent leur faon: non point vne masse de chair blanche & informe, qu'elles façonnent peu à peu à force de lecher, comme ignoramment a creu l'âtiqité: mais vn ourson bien formé, tel que le grand Scaliger tesmoigne auoir esté nagueres trouué au ventre d'une ourse qu'on mit en pieces.

Exerc. 6.
15.

Exercit.
196. 4.

Le mesme Scaliger, premier que Haruet, rapporte que le Sieur Iehan des Landes ayant acheté, lors qu'il estoit en Syrie, vn Chameleon, on remarqua que par le prompt mouuement de sa langue (qu'il iette & reiette dehors en vn moment) il prit vne mouche qui estoit sur sa poitrine. Ce qui sera nouveau à ceus qui l'ont estimé seul d'entre les animaux viure sans viande, ny breuuage, & se nourrir de l'air tant seulement: toujours à ieun sans souffrir aucune defaillance, cōme dit Tertullien. Neâtmoins ce n'est du tout mal à propos que l'on a estimé qu'il viuoit de l'air, d'autant qu'o

De pall.

l'a veu souuent passer vn an entier sans manger, comme dit le mesme Scaliger: & qu'apres auoir baillié & pris l'air, il fermes les jouës, & lors le vêtre luy enfle de cette substâce aerée. Il y en a qui disēt que se tournant vers le Soleil il auale ses rayōs, & les va poursuiuāt tout en bailliant. Tertullien en dit tout autant en sō liure du Manteau: Il se nourrit (dit-il, parlāt du Chamelcon) en baillionnant, il rumine s'enflant comme vn ballon, le vent est sa viande.

Le Crocodile (parle tesmoignage 2. hist. ani d'Aristote, & de Pline apres luy) passe c. 13. tousiours six mois d'hyuer en sa cauer- 8. hi. nat. ne sans manger. Elian dit qu'il demeu- c. 25. re caché seulement soixante iours, durant lesquels il ne mange point. Symmachus homme de qualité Consulaire entre les anciens Romains, fit venir au theatre deuant le peuple, des crocodiles, lesquels il auoit fait ieuner cinquante iours. Lōg-tēps apres il en garda deus sans leur baillier aucune viande, les reseruant pour en faire veuë à l'arriuée de quelques siens amis: iacoit, dit-il, qu'ils Symma- ne promissent de viure long-temps sans ch. lib. 6. manger. Quant à ce que Haruet alle- Epsl. 44.

8. *hist an.*
c. 2.

gue d'Aristote, que le crocodile estant hors de l'eau ne peut long-temps viure; cela reçoit son interpretatiō par le mesme lieu, où il escrit, qu'ëcor que le crocodile se delecte en l'eau, voire en telle sorte qu'il ne peut viure estant enclos hors les lieux aquatiques: toutefois il meurt, s'il ne prent l'air; mesme il a coutume de faire & de nourrir ses petits hors de l'eau. Pour autant donc qu'il est animal moitié aquatique, moitié terrestre, il estime qu'il le faut mettre entre les animaux amphibies, & qui sont d'une nature non arrestée, lesquels il appelle *ἐναυποτεπίζοντα*: autrement il se contrarieroit, ayant escrit auparavant, qu'il passe le iour sur terre, & la nuit en l'eau, l'un & l'autre à cause de la tiedeur qu'il aime: ce qu'il faut entendre du temps auquel il ne se tient point caché; pour autant que le froid lui est si contraire, que quand il fait beau temps, il faut qu'il se retire sur terre, & en l'eau durant la nuit.

L'adjouteray icy cet oiseau des Indes, sans pieds, que les sacrificateurs de Mahomet ont autrefois fait à croire au Roy des Moluques estre tombé de Paradis,

radis, pour ce qu'il ne se trouue qu'en des lieux incogneus & ecartés de la troupe du monde, & à raison dequoy ceus du païs l'appellent l'oiseau de Paradis. Il vit tousiours en l'air, & ne touche iamais la terre, qu'apres sa mort, sur laquelle il demeure & se conserue fort long temps sans se corrompre. Cet oiseau ne se nourrit point de moucherôs, ou autres insectes semblables, comme font les passereaus & hirondeles (car il vit en la moyenne region de l'air, où il n'y a aucuns animaux cogneus aus hommes dont il se puisse repaître) mais de l'air tant seulement, ou de la vapeur eleuée des isles des Moluques, qui rendent de toutes parts vne odeur suauë & aromatique. Gardan tient qu'il ne peut viure de l'air seul & pur, pource qu'il est trop subtil en ce païs là. Mais celuy qui luy a donné l'air pour viande, a aussi peu luy epeffir cet air pour le rendre propre à sa nourriture.

Et n'est pas moins admirable l'oiseau que Plutarque appelle Rhintaces fort commun en Perse, lequel n'a rien de vuide en son corps, ains est au dedans plein de gresse (comme sont les benna-

*In vita
Artozer.*

rics en Languedoc) & toutefois cet au-
 theur dit qu'il ne vit que de l'air & de la
 rousée.

lib. 5. hist.

ani. c. 19.

Plin. l. 11.

c. 36.

Aristote prince de verité escrit qu'ès
 fournaïses où sont les fontes de cuiure,
 en Cypre, il y a vn petit animal de la grā-
 deur d'vne grosse mouche, qu'il appelle
 Pyraustes, lequel a quatre pieds & des
 ailes. Tant qu'il y a du feu dans la four-
 naïse, cet animal vit : mais si tot qu'il en
 est vn peu eloigné, il meurt : & neant-
 moins c'est vn animal tresfroid qui s'en-
 tretient seulement de la chaleur du feu.

Mais pourquoy m'arrete-ie en ces
 exemples, desquels Haruet en tout lieu
 tient qu'on ne peut tirer de conse-
 quence aus hommes ? Paraduenture
 donc que les exemples tirez des hōmes
 luy feront recognoistre la verité. Et
 pour ce i'ē produiray vn qui est hors de
 tout scrupule, duquel des Princes dignes
 de foy firent récit au Roy Henry III.
 estant en Pologne. Il y auoit plusieurs
 grāds Seigneurs François, Conseillers,
 &c. il y auoit aussi des Medecins en la
 Cour, & entre autres Monsieur Pid-
 xius nostre Doyen, sçauant non seule-
 ment en la Medecine, mais aussi en tout

ce qui touche la cognoissance de l'histoire naturele, il estoit lors Medecin de Monsieur le Duc de Neuers, & estoit appellé au cōseil des Medecins du Roy. C'est de luy que nous auons entendu verbalement cette histoire, laquelle aussi a esté escrite par Alexandre Guaguin Veronois, Capitaine de gens de pied en la citadele de Vitebcka és limites de Moschouie, en sa description dudit païs.

Il dit donc qu'il y a certains peuples en Lucomorie (qui est vne region és dernieres confins des Sarmates vers le Septentrion) qui meurent (ou pluſtot demeurent tranciz, comme les hirondeles & grenouilles) chasque année le 27. du mois de Novembre, à cause de l'extreme froidure qui est en ce païs là. Puis au retour du printemps, le 24. d'Avril ils retournent en vie. Or ces peuples font leurs cōmerces avec les Grustintziens & Sperponomtziës leurs voisins, en cette sorte. Quand ilz sentent approcher le temps de leur trancissement, lors ilz serrent leurs marchandises en certains lieux, & les Grustintziens & Sperponomtziens les prennent & en laissent d'autres à la place, de mesme va-

leur. Le temps venu de leur nouvelle vie, ilz prennent ces marchandises qui ont esté echangées à la leur, s'ils sentēt y auoir du profit: sinō, ils redemandent les leurs, d'oū arriuent souuent des querelles, & guerres entre eus. Or par cet assopissement la chaleur naturele de ces corps (qui autrement sont accoutumez à cet air, & recuits, comme dit Albert Crantzius, par la gelée) n'est point esteinte, d'autant que tous les pores, passages, & cōduits estant resserrez & bouchés, elle se ramasse enuiron les entrailles, & par cette antiperistase, elle s'accroist & se rend plus vigoureuse pour le printemps à venir. Entre toutes les parties du corps y il auroit d'áger principalemēt du cerueau, lequel a beaucoup de grandes ouuertures, & entre autres es narines; n'estoit que quand ilz commencent à estre roidis du froid, vne pituite aigueuse leur distille des narines, laquelle (au rapport dudit Sieur Piduxius) tout en coulant ne se congele pas moins que la salieue mesme, & s'endurcissent auant qu'elles tōbent à terre, ainsi qu'escrit Sigismōd de Herbestein en l'histoire de Moschouie. Au moien de quoy les

narines bouchées, la malice de l'air ne peut point si aisemēt penetrer iusqu'au cerueau. Et si quelqu'un pour eūiter cette inclemence d'air, pensoit se couvrir de peaus & autres choses, & empêcher ces glaçons pendans des narines & de la bouche, incontinent l'air excessiuement froid donneroit dās le cerueau, & esteindroit la chaleur naturele: si bien que les Lucomoriens d'un trancissemēt tēporel en feroient vn perpetuel. Mais le temps venu que le soleil domine par-dessus la froidure, & rameine la douceur de la saison printaniere, cette pituite se fondant, la chaleur peu à peu insinue dans les os, la vigueur & le sentiment reuiuent en tous les membres, & la mesme œconomie du corps qui estoit auparavant.

Héruiet termine tout son discours par le ieusne des sainctspersonages Moïse, Elie, & nostre Sauueur: ce qui (dit-il) ne sera point tenu pour miracle, si selon nature on peut faire vne si longue abstinence. Ioubert auoit respondū, qu'aus malades & valetudinaires cette longue abstinence estoit naturele: mais surna-

turel^e en ces personages qui autrement estoient parfaitement sains, & de bonne temperature. Haruet objecte le lieu d'Auicenne cité par Ioubert, Que le mesme peut aussi arriuer aus hommes sains. Pour nostre regard nous embrassōs l'opinion de Ioubert en telle sorte, que nous croiōs que ceus d'entre nous à qui cette facilité d'abstinence est arriuée, ç'a esté par vn accident de maladie contre nature, encore que par apres ilz se soiēt trouuez sains, mais quant aus personnes de rare saincteté, nous estimons que ce n'a esté par la suruenue d'aucune maladie, ains d'un special vouloir de Dieu, & que cet appetit naturel est retourné au au temps limité par sa prouidence.

Finalemēt il exhorte vn chacun à imiter vn certain gentilhomme, qui par soin & diligence decouurit l'imposture d'un Hermite de Sauoye, qui par ses feintes abstinences auoit lōg-temps deceu l'opinion du peuple. Quant à nous, ne pouuans aller contre l'autorité de tant de rares & clair-voyans Medecins, ny embler à nos yeus la croyance de ce qu'ils ont veu; nous aymons mieus

laisser aus plus curieus rechercher les
causes de ces œuures extraordinaires
de nature, que, comme les compagnons
d'Vlyse, charmé du fruit de l'alifier,
ne cognoistre autres Dieus qu'Edusa
& Potina.

F I N.